

استدینا

نومرو ۲۴

بخشیه

۲۶ شباط ۱۳۲۴

یازاره دخی مستولی اولدیلر و ارتق سلائیکه قدر اینمکی مرتبه اولاده و دها جدی بر صورتده دوشونمکه باشلا دیلر . ۱۸۸۱ تاریخده صربستان ایله عقد ایتدیکی شیوع بولان مقاوله خفیه - که مقاله مستقبله مزده موضوع بحث اوله جقدر - ایله آوستریالیلرک یکی یازارده و دها بریلرنده کی وضعیت و تحریکاتی ویانه قاینه سنک منویاتی اظهار ایدر . انقلاب عثمانی کندی موجودیت آوده سیی ادامه دن بشقه بر شیئی دوشونمیان و اوستریا حقارتی و قورقوسی التنده یشایان حکومت شخصی و مستبدینی بر حکومت ملیه و مشروطیه به تحویل ایلمش اولدیغندن اوستریانک قوردینی زمین تصورات بیقلدی ، لیکن اوستریا اداره جدید عثمانیه نك بوسنه و هر سکه ارتباطی حکومت سابقه نك ارتباطی کی اولماق خوفیه یکی یازاردن صیریلوب بوسنه و هر سکه طوبالاندی و بو قطعه یی مالکنه الحاق ایلدی .

(مابعدی وار)

ابن الضیا

حبسخانه‌لر

قباحتی اولان کسه لری اصلاح ایچون جمعیات مدینه چالیشیر . اسکی زمانلرده و بالخاصه رومالیر نزدنده جنایت ایشلین آدم حقنده بر حس انتقام بسلنیر ایدی . مجازانده حاصله اوله رق محکوم علیه تعذیب ایچون یاسیلیر ایدی . شمدیلرده هر ایشده اعتدال کوزه دلدیکی جهتله حسب الانسانییه بو مسئلهده دخی بیوک بر اثر هنر کوسترلدی . اورویای غریبیده بولنان و فتودالیتسه دورندن قالان بقایای اسلافده ، محوف زندانلر و شرقک باطنیه قومنیجه دوشنلمش اولان اسرارانکیز محبس لر اجدادمزک یدی قه لرده کشاد ایلدک لری قه لر ، بونلرک هدی دروننده یاتان حقلی یا حقمنز محبوسلرک چکدکلری عذاب ، چکدکلری محرومیتیه ایدی برر نشانه در . یدی قه نك کآن ضیا ، و هوایه منفداولان طار و اوافق یاریقلرندن هوالنان ، ضیادار اولان حجریه باقنجه ، ایچنده وقت کچیرن ییللرجه قالان

نفوسك چكدكلى چيلهرك دهشتى ، بيوكلكنى تقدردن قلم عاجز قالمز . نه ديهيم . شو سطرلى يازار ايكن ، او مظلم او طهده بولمقده ايشم كى بر عذاب و اضطرابه دوجار اولدم . زنجير بند ، هر كون و كيجه آه و فغان ! تحمل ايدنلر حقيقتاً يارادليشده ، صاعلم و متين يارادملر ديه بيليريم .

فرانسىك غوتيق طرز معماريسنده دره بك شاتولرنده احداث اولسان زندانلر ، هر كون بر خيعةك ، هر كون بر وقعةك سخته شتون ايدى . دهايقين زمانده صربستانده الكساندر زماننده توسيع و كويا اينجا به كوره تجديد ايديلان محل ظلمده تطبيق اولان اشكنجهلر هنوز خاطرلرده در .

حبسخانهرك ، و ادوار سالفه اشكنجهخانهلرينك شكل و صورتلرينى ، انكيزيون دورلرينك عذابخانهلرينى صايوب دوكمك ستونلر طولديرير .

ايشته بو احوال ، مدنيت اخيردك احضار ايلديكى تكميلات بشريه اقتضاسيله حبسخانهلره محبوسلر ، انسان اولمق ايچون قونيلور ، تربيه ايچون كتوريلور . بويه اولنجه حبسخانهلرده انسانلره ، انسانلعه موافق بر طرزده تأسيس و بنا اولميدر . حبسخانهلر طرز انشا و صورت تقسيماتده ، بر طرفدن محبوسك حبسده اولديغنى اكلا ته حق ، ديكر طرفدن حيات و سحتى ، وعظالت و جهلدن متولد احوالى ازاله ايديه بيله حك صورتده اولديغى حالده مقتضاي قانونه اقتضاي مدنيتيه موافق دوشمش اولور . حبسخانهلر قغوشلره ، دارالصناعهلره منقسمدر . قغوشلر ارباب جرائمه ، جرملرينك انواعنه ، فاعلارك سن و جنسته كوره تفريق اولنق لابددر . چوق كره حبسخانهلرى زيارت ايتمش اولان بر آدمى ، ايلك دفعه مسافر اولان مجرمه بر اردهه براقق قدر مهلك بر مى تصور اولنه مز . عادتاً بو آدم كلانه درس خواجهلكى ايدر . عدم سرايت مساوى حقنده كوزنديكمز تعقيب اورتهدن غائب اوليويروش اولور . رجال و نسوانك صبيان و كبارك تفريقنده دخى بوكا اهميت و بريلور . دارالصناعهلر ديتش ايدك . دارالصناعهلر حبسخانهلرده لك برنجى آلات اصلاحيه دندر . محبوس على الصباح ايش باشنه كيدر ، اوراده قابليتيله متناسب اولان صنعتله

اوغراشیر تعطیل وقتنده تنفس ایدر . تکرار ایشه باشلار . و بر چوق حبسخانه اداره‌لرنده اولدینی وجهله نصخ و پند و موعظه دأر ساعتلر تخصیص اولنش ایسه اول ساعتده موعظه‌لرده بولنور . حاصلی محبوس فعالیت دائمه ایله عطالتدن قورتلور ، صنعتک ، سعیتک نه لذتلی شی اولدینی اکلار هله حبسخانه‌دن چیقدینی صروده الهده سرمایه اوله بیله جک قدر پاره‌ده ویریلور ایسه — که محصول و عملک اداره صایشنیدن تراکم ایتش و حفظ ایدمش اولان پاره‌در — سالیوریلان محبوسک دکمه کیفنه .

موعظه‌لر ، نصیحتلر ، بولنورده محبوسلرک احوال روحیه‌سنه تأثیر ایدر بیانی مشفی بر دوا کییدر . او موعظه‌لرده ، نصایح ساعتلرنده بولندجه ، محبوس کندو کندویه ایشلدیکنه ، ایشلیه جکنه ندامت کتور بر . ایشه مهم ایکی قوت . بر طرفدن حس منفعت دیگر طرفدن بو حسی حد توازنده طوته جق . اصلاح نفس و تصحیح احوال الروح .

حبسخانه‌لرک داخلی بعض‌لرده منتهای تکمله کتوریلرک مکمل تنفسخانه‌لر و باغچه‌لرده یاپلمشدر . قوغوشلردن چیقنجه محبوس بورالرده طولاشیر کورینور کوریشور . بو مبحثده آمریقانک بعض حبسخانه اداره‌لرنده — فیلادلفیا پانسیلوانیا کی — حبسخانه‌لرده اصول تبدل ایدیور . بعض حبسخانه‌لرده محتعماً دارالصناعه‌لرده بولنق اصولی قبول اولندیغندن بر مأمور مخصوص نظارتی آلتده اصلاً قونشدیرلمیرق ، یعنی سکوت عمیق حکمفرما اولدینی حالده سکان محبس چالشدیریلور . افشاملین هر مسافر کندو اوطه‌سنه کیدر یثار . بعض حبسخانه‌لرده حجره اصولی قبول اولندیغندن محبوسک بر اوطه‌سی وارددر . قبوسی اوکنده بر دهلیزی بولور . تنفسده اورایه چیقابیلور . ارقداشلریله کوریشه‌من . صنعتله مشغول ایسه اوطه‌سنده مشغول اولور . هر ایکی جهتک محاذیری و محاسنی درکار ایسه‌ده برنجی اصول دها فائده‌لیدر . بر یرده چالیشورلر ؛ اختلاطده بربرلرینه معلم اولماق اوزره نظارت دائمه وشدیده آلتده بولندیریلورلر . ایکنجی اصولده ایش دها صتی . لکن حجره‌ده قبانان محبوسک اکثراً صحی مختل اولور . حالبوکه

نظریه جزایه من: محافظه صحت و اصلاح محبوس .

قواعد مدنی به موافق بر طرز مرغوبده بایلان حبسخانه لږ پک جوق
مصرفه محتاجدر . شو افاده اولنان ایکی مسلک داره سنده اولمق اوزره انشا
اولنان بنالر عادی شویله درت دیوار ایچنده مینی حبسخانه لږدن قات قات فضله
مصارفه متوقفدر . سائل دیه بیلیرکه: مسکن کبی یا مسکنه قریب بر مکملیت
داره سنده انشا اولنان حبسخانه لږده استراحت ولو جزئی تقييدات و حریت
شخصیه عارض حالات ایله مختل اولسون بر دارالمعیشه حاله کیرمزمی ؟
فی الواقع ایستاتستقلرده کوستریوزرکه بعض مملکتلرده قیشین حبسخانه لږده
ارباب جرائم چوغالیور، یازین آزالیور . یعنی حریف قصداً محبس کیرمک املیه
بر اوفق جرم ارتکاب ایدرک حبسخانه به کتوریلور، سائقه فقر و سفالتله
ایام شتاده کرفتار اوله جنی بلیه دن قورتیلور بو مبتدر . بر حقیقتدر . لکن
بعض یرلرده بویله اولیور دهرک صلاح مجرمین حقنده فوق العاده مقبول
و تجربیه ایله مکملیتی ثابت اولان بر طرز مخصوصی تبدیل ایلمک مفایر انصافدر .
کوا کبی زاده

عبدالحق مدحت

انکلترده معارف

تنسیق و اجراسی اهلینک تشبثات خصوصیه سنه بر اقلمش اولان ایشلرده
بر نقصان و یا عدم امکان مشهود اولمدیقه حکومت طرفندن مداخله ایدلماک
انکلترده متخذ اصول اداره ایجاباتندن بولندینی جهتله مملکت مذکوره ده
امور معارف بوندن یکریمی بش سته اولنه کلنجیه دکن حکومتک دائرة نظارت
و تقیشندن خارج قالمشیدی . انکلترده کافه درجات تحصیل حقنده من القدیم
موضوع اولان اصول، سائر بالجمله شعبات اداره ملکیه و سیاسیه ده جاری اولدینی
اوزره « سلف غوورنمنت » دینلان « مختاریت اداره محلیه » اساسه مستنددر .
کرچه قوانین اساسیه مملکت اقتضاسنجه منافع عمومیه به تماس ایدن کافه احوال